

SAMÞYKKTIR

fyrir Verzlunarbanka Íslands hf.

I. KAFLI

Heiti félagsins, heimilisfang og hlutverk.

1. gr.

Félagið heitir Verzlunarbanci Íslands hf., og er það nefnt Verzlunarbancinn í samþykktum þessum.

Félagið er stofnað fyrir frumkvæði ábyrgðarmanna Verzlunarsparisjóðsins samkvæmt heimild í lögum nr. 46/1960 um Verzlunarbanka Íslands hf. Tekur félagið við öllum eignum, skuldum og ábyrgðum Verzlunarsparisjóðsins og starfsemi hans og kemur að öllu leyti í hans stað, enda hafa ábyrgðarmenn sparisjóðsins á fundi sínum 14. júní 1960 samþykkt eignayfirlýsuna.

2. gr.

Heimili Verzlunarbancans, aðalskrifstofa og varnarþing er í Reykjavík. Auk aðalskrifstofunnar (aðalbankans) getur stjórn félagsins, sem nefnd er bankaráð í samþykktum þessum, ákveðið að setja á stofn afgreiðslustofur í Reykjavík svo og útibú utan Reykjavíkur.

3. gr.

Hlutverk félagsins er að starfrækja banka, er hafi það sérstaklega að markmiði að styðja verslun landsmanna.

II. KAFLI

Um hlutafé Verzlunarbancans.

4. gr.

Núverandi hlutafé Verzlunarbancans er 8 milljónir króna. Hluthafafundur getur ákveðið að auka hlutaféð eftir sömu reglum og gilda um breytingar á samþykktum félagsins sbr. 34. gr. Hluthafar hafa forgangsrétt til hlutafjárauka að tiltölu við hlutafjäreign sína í félaginu innan tímamarka, sem greind verða í samþykkt um aukningu hlutafjár. Nú neyta hluthafar ekki forkaupsréttar síns, og eru þá hlutabréfin boðin til kaups með opinberu útbóði eða á annan hátt, eftir nánari fyrir mælum hluthafafundar.

Innborgað hlutafé 1. janúar 1981 er kr. 6 810 250,00 þ. m. t. jöfnunarhlutabréf. Hlutaféð er allt jafn rétt hátt.

Hluthafar eru ekki skyldir til að sæta innlausn á hlutum sínum.

5. gr.

Hlutabréfin hljóða á nafn. Í hlutabréfi skal greina: Nafn, heimili og skrásetningarnúmer félags, númer og fjárhæð hlutar svo og útgáfudag hlutabréfs og hvaða flokki það tilheyrir. Skulu allir stjórnendur setja nöfn sín undir hlutabréf. Einn þeirra að minnsta kosti skal rita nafn sitt eigin hendi.

Hlutabréfin eru að nafnverði kr. 5,00 — 10,00 — 50,00 — 100,00 — 500,00 — 1 000,00 — 5 000,00 og 10 000,00.

Hlutabréfin skiptast í flokka, og bréf í hverjum flokki eru í framhaldandi töluröð. A-flokks hlutabréf tilheyra félagsmönnum í Verzlunarráði Íslands og Félagi ísl- stórkaupmanna, en B-flokks hlutabréf félagsmönnum í Kaupmannasamtökum Íslands. Aðrir hluthafar sem ekki eru meðlimir í ofangreindum samtökum, skulu fá hlutabréf í A eða B flokkum, eftir því á hverra vegum þeir starfa innan greindra samtaka.

Arður af hlutabréfum skal sendur hluthöfum í ávísun innan mánaðar frá lokum aðalfundar.

6. gr.

Halda skal skrá um hlutabréf og skal þar greina:

1. Til handa hverjum hlutabréf var gefið út, nöfn þeirra, stöðu, nafnnúmer, heimilisfang svo og síðari aðilaskipti.
2. Útgáfudag hlutabréfs, flokk og tölu þess, nafnverð þ. á m. hvort hluthafi í A-flokki teljist til Verzlunarráðs Íslands eða Félags íslenskra stórkaupmanna.
3. Hvort hlutabréf hafi verið ónýtt með ógildingardómi eða á annan hátt.

7. gr.

Nú vill hluthafi selja hlutabréf sitt, og gilda þá ákvæði 18. gr. laga nr. 32/1978, um hlutafélög, en þar segir að hömlur megi ekki leggja á viðskipti með almenn hlutabréf milli íslenskra aðila í hlutafélögum, þar sem hluthafar eru 200 eða fleiri.

8. gr.

Eigendaskipti að hlutabréfum hvort sem er fyrir framsal eða arf skulu tilkynnt bankaráðinu og taka þau eigi gildi gagnvart félaginu. fyrr en bankaráð hefir staðfest aðilaskiptin með áritun sinni á hlutabréfin, og breytingin færð í hluthafaskrá.

9. gr.

Verzlunarbankinn má eigi veita lán gegn tryggingu í hlutabréfum sjálfs sín.

10. gr.

Nú glatast hlutabréf og gefur bankaráðið þá út nýtt hlutabréf, að fengnum ógildingardómi á hinu glataða hlutabréfi.

Nú skemmist hlutabréf, en þó orkar ekki tvímælis um flokk skjalsins, tölu þess eða efni. Getur bankaráðið þá gefið út til aðila á hans kostnað nýtt hlutabréf í staðinn, enda skili hann hinu skemmda hlutabréfi.

11. gr.

Enginn hluthafi ábyrgist skuldbindingar Verzlunarbankans fram yfir nafnverð hlutabréfa sinna.

Þessu ákvæði verður ekki breytt né það fellt niður með neinum ályktunum hluthafafundar.

III. KAFLI.**Um starfsemi Verzlunarbankans.****12. gr.**

Bankinn rekur hvers konar bankastarfsemi, svo sem:

1. Að taka við innlögum með sparisjóðskjörum og á hlaupareikning.
2. Að kaupa og selja víxla, tékka og aðrar ávísanir.
3. Að veita lán gegn ábyrgð bæjar-, sýslu- og hreppsfélaga, að áskildu samþykki æðri stjórnvalda.
4. Að veita lán gegn veði og sjálfsskuldarábyrgð.
5. Að kaupa og selja skuldabréf ríkis, bæjar- og sveitarfélaga eða önnur trygg og auðseljanleg verðbréf. Hlutabréf má bankinn ekki kaupa og selja nema í umboði annarra.
6. Að geyma verðmæta muni gegn endurgjaldi.

13. gr.

Verzlunarbancinn hefir sparisjóðsréttindi og nýtur í hvívetna sömu réttinda sem Landsbanka Íslands eru veitt í 18., 19., 21. og 23. grein laga nr. 11/1961. Hann skal eiga að minnsta kosti sem svarar 15% af innlánsfé með sparisjóðskjöllum í tryggum og auðseldum verðbréfum, svo sem ríkisskuldabréfum, bankavaxtabréfum Landsbanka Íslands eða öðrum jafntryggum verðbréfum.

Verðbréfaeign þessi skal hækka upp í allt að 20%, ef viðskiptaráðherra, að fengnum tillögum bankans, telur þess þörf. Í stað verðbréfa má koma inneign í Seðlabankanum.

IV. KAFLI

Stjórn Verzlunarbancans.

14. gr.

Með stjórn Verzlunarbancans fara:

- A. Hluthafafundir.
- B. Bankaráð.
- C. Bankastjórar.

A. Hluthafafundir.

15. gr.

Hluthafafundir fara með málefni Verzlunarbancans samkvæmt þeim fyrirmælum, sem hér fara á eftir:

16. gr.

Aðalfund skal halda fyrir lok aprílmánaðar ár hvert.

Skal til hans boðað með auglýsingu, er birt sé í Lögbirtingablaðinu með lengst fjögurra vikna fyrirvara, talið frá birtingu fundarboðs. Ennfremur skal birta fundarboðið með viku fyrirvara hið skemmsta í útvarpi og dagblöðum, og sé þar greint, hvenær og hvar skuli afhenda aðgöngumiða og atkvæðaseðla til fundar, og skal afhending fara fram þrjá síðustu daga fyrir fundardag, svo og á fundardegi, eftir nánari ákvörðun bankaráðs. Þó getur bankaráðið ákveðið að senda skuli út aðgöngumiða og atkvæðaseðla í ábyrgðarpósti tveim vikum fyrir fundardag.

Aukafundi skal halda eftir ákvörðun hluthafafunda eða bankaráðs og skal boða þá innan 14 daga, ef bankaráð telur þörf fundarhalds svo skjótlega. Bankaráði er skylt að boða til aukafunda, ef kjörnir endurskoðendur eða hluthafar sem ráða yfir 1/10 hluta hlutafjár, krefjast þess skriflega og greina fundarefni, enda fer þá um fundarboðun svo sem segir í næsta málslið á undan. Bankaráð boðar til funda og undirbýr þá ásamt bankastjórum.

Hluthafafundir skulu haldnir í Reykjavík (eða nágrenni).

17. gr.

Í fundarboði skal greina dagskrá fundar, og má þar greiða atkvæði um þau mál ein, sem þar getur, svo og breytingartillögu við þau, sbr. þó 1. mgr. 72. gr. laga nr. 32/1978, um hlutafélög.

Hver hluthafi á rétt á því að fá ákveðið mál tekið til meðferðar á hluthafafundi, ef hann gerir skriflega kröfu um það til bankaráðs, enda berist tilmælin bankaráði a. m. k. viku fyrir fundinn, hið skemmsta, svo unnt sé að taka málið á dagskrá fundarins. Tilkynna skal hluthöfum almennt um tillögu þessa, eftir því sem föng eru á.

18. gr.

Á dagskrá aðalfundar skal taka þessi mál til afgreiðslu:

1. Skýrslu bankaráðs um starfsemi bankans síðastliðið starfsár.
2. Endurskoðaða reikninga bankans fyrir s. l. reikningsár.
3. Tillögu um kvittun til bankastjóra og bankaráðs fyrir reikningsskil.
4. Önnur mál, sem tilkynnt hafa verið bankaráði með löglegum fyrirvara.
5. Kosning bankaráðs, sbr. 23. gr.
6. Kosning endurskoðenda, sbr. 31. gr.
7. Ákvörðun um þóknun til bankaráðs og endurskoðenda fyrir næsta kjörtímabil.
8. Ákvörðun um greiðslu arðs, sbr. 33. gr. svo og sbr. b-lið 2. mgr. 67. gr. um hlutafélög.

19. gr.

Hluthafafundur kýs fundarstjóra, en hann tilnefnir fundarritara með samþykki fundarins. Fundarstjóri stýrir fundi og sker úr öllum atriðum, sem fundarhald varðar. Þá er fundargerð hefur verið lesin upp og samþykkt, skal fundarstjóri undirrita hana, ásamt ritara.

Aðalfundi er heimilt að setja sérstök fundarsköp um fundi hluthafa.

20. gr.

Á hluthafafundum fylgir 1 atkvæði hverjum 5,00 krónum í hlutafé.

Á hluthafafundum ræður afl atkvæða, nema öðruvísi sé mælt í samþykktum þessum eða landslögum, en enginn hluthafi getur þó farið með meira en $\frac{1}{5}$ samanlagðra atkvæða í félaginu. Ef tillaga fær jafnmörg atkvæði með og móti, telst hún fallin. Ef tveir menn eða fleiri fá jafnmörg atkvæði, þegar kjósa skal menn til starfa fyrir Verzlunarbancann, skal hlutkesti ráða.

Samþykki allra hluthafa þarf til þess að ráða til lykta málefnum þeim er greinir í 77. gr. laga nr. 32/1978, um hlutafélög.

21. gr.

Stofnfundur gengur frá reglugerð sem viðskiptaráðherra staðfestir, um nánari stjórn bankans og starfrækslu hans.

22. gr.

Hver hluthafi, sem hyggst neyta atkvæðisréttar síns á hluthafafundi, skal vitja aðgöngumiða síns innan frests, sem greindur er í fundarboði og á þeim stað, sem þar er tiltekinn, og gera grein fyrir atkvæðisrétti sínum. Á aðgöngumiða skal greina, hve mörg atkvæði viðkomandi hafi á fundinum. Hluthafi getur látið umboðsmann sækja hluthafafund fyrir sína hönd, sbr. 64. gr. laga nr. 32/1978, um hlutafélög.

B. Bankaráð.

23. gr.

Aðalfundur hluthafa kýs með hlutfalls kosningu úr sínum hópi 5 menn í bankaráð, hvern til tveggja ára í senn, og jafnmarga til vara. Skulu bankaráðsmenn vera búsettir í Reykjavík eða svo nálægt Reykjavík að þeim sé auðvelt að sækja fundi bankaráðs, hvenær sem er. Bankaráðsmenn skulu vera lögráða, fjár síns ráðandi og hafa óflekkað mannorð.

Kosning bankaráðsmanna fer fram árlega, þannig að á aðalfundi hverjum skal kjósa tvo aðalmenn til tveggja ára, en formann annan hvern aðalfund til tveggj ára. Skal formaður kosinn sérstakri kosningu á undan öðrum aðalmönnum. Varamenn skulu kosnir árlega jafnmargir þeim aðalmönnum, sem kjósa á hverju sinni.

24. gr.

Bankaráð kýs sér varaformann úr sínum hópi til eins árs í senn. Varaformaður gegnir störfum formanns í forföllum hans.

Formaður kveður bankaráð til funda og stýrir þeim. Reglulega fundi skal halda eigi sjaldnar en tvisvar í mánuði hverjum. Aukafundi skal halda, þegar formaður eða meiri hluti bankaráðs eða bankastjórar telja þess þörf.

Fundi bankaráðs skal halda í Reykjavík. Eru þeir því aðeins lögmætir að mættir séu 5 fulltrúar á fundi, aðalmenn eða varamenn þeirra. Afl atkvæða ræður úrslitum, nema öðruvísi sé fyrir mælt í samþykktum þessum eða öðrum lögmætum fyrir mælum. Séu atkvæði jöfn, ræður atkvæði formanns. Bankaráðið setur sér að öðru leyti fundarskóp.

25. gr.

Bankaráð hefir æðstu forstöðu Verzlunarbancans, nema þar sem öðruvísi er ákveðið í samþykktum. Því ber þess vegna:

1. Að ráða bankastjóra, ákveða laun þeirra og ráðningarkjör, setja þeim erindisbréf og veita þeim lausn.
2. Að koma fram fyrir hönd bankans fyrir dómstólum, gagnvart stjórnvöldum og þriðja manni.
3. Að segja fyrir um og hafa eftirlit með starfrækslu bankans þar á meðal ásamt bankastjórum að ákveða forvöxtu, innlánsvöxtu og útlánsvöxtu bankans að svo miklu leyti, sem slíkt er ekki lögbundið eða ákveðið af stjórn Seðlabancans, svo og að ákveða aðra þóknun, er bankinn tekur fyrir þjónustu sína.
4. Að ákveða, með samþykki bankastjóra, hvar bankinn skuli hafa útibú, hve útibúi hverju skuli fengið mikið fé til umráða, að ráða forstjóra útibúa, ákveða ráðningarkjör þeirra, setja þeim erindisbréf og veita þeim lausn.
5. Að hafa eftirlit með því, að endurskoðendur ræki starfa sinn óaðfínnanlega.
6. Að ráða aðalbókara og aðalgjaldkera bankans og setja þeim starfsreglur, svo og að veita þeim lausn frá starfanum og ákveða tryggingu þá, er gjaldkeri skuli setja. allt að fengnum tillögum og samþykki bankastjóra.
7. Að ákveða tölu starfsmanna Verzlunarbancans og setja reglur um laun þeirra.
8. Að skera úr ágreiningi, er koma kynni upp milli bankastjóra og starfsmanna bankans.
9. Að taka ákvarðanir um eftirgjöf skulda, án gjaldþrotaskipta skuldunauta, að fengnum tillögum bankastjóra.
10. Að setja reglur, að fengnum tillögum bankastjóra, um það hvort og hvernig aðrir starfsmenn bankans megi binda hann ásamt bankastjórum með undirskrift sinni, svo og að ákveða, hverjir starfsmenn bankans geti skuldbundið hann í tilteknum málum með undirskrift sinni.
11. Að ráða fram úr öðrum málum, sem ekki eru til hluthafafunda eða bankastjóra lögð, og þeim málum sem hluthafafundur eða bankastjórar skjóta til bankaráðs.

26. gr.

Bankaráðsmenn hafa aðgang að öllum bókum bankans og skjölum.

27. gr.

Allt það, er bankaráðið lætur skriflega frá sér fara, skal undirritað af formanni og einum hinna bankaráðsmanna. Verzlunarbancinn ábyrgist allar skuldbindingar, sem bankaráðið undirgengst stöðu sinni samkvæmt fyrir hans hönd.

C. Bankastjórar.**28. gr.**

Framkvæmdastjórar bankans, sem nefnast bankastjórar, hafa á hendi daglega stjórn Verzlunarbankans í samræmi við reglur þær, sem þeim eru eða verða settar af bankaráðinu samkvæmt samþykktum þessum.

Bankastjórar mega ekki hafa á hendi embætti eða sýslan, sem ekki er lögskilylt að gegna, nema með samþykki bankaráðsins, ekki reka sjálfir atvinnu eða vera í stjórn atvinnufyrirtækja.

Þeir mega ekki vera skuldskeyttir Verzlunarbankanum eða útibúum hans, hvorki sem aðalskuldunautar eða ábyrgðarmenn.

Bankastjórar ráða alla þá starfsmenn Verzlunarbankans, sem bankaráðinu er eigi sérstaklega falið að ráða samkvæmt samþykktum bankans, og segir þeim upp. Starfsmenn bankans skulu að jafnaði ráðnir með þriggja mánaða uppsagnarfresti.

Nú ákveður bankaráðið, að fleiri bankastjórar skuli vera við bankann og tiltekur þá bankaráðið verkaskiptingu milli þeirra.

29. gr.

Bankaráðið, endurskoðendur, bankastjórar og allir aðrir starfsmenn Verzlunarbankans skulu skyldir að gæta fullkominnar þagnarskyldu um allt það, er varðar hagi bankans og viðskiptamanna hans og þeir fá vitneskju um vegna starfsemi sinnar í þágu bankans.

V. KAFLI

Reikningsskil, endurskoðun, skipting tekjuafgangs og varasjóður.

30. gr.

Reikningsár Verzlunarbankans er almanaksárið. Skal ársreikningi lokið fyrir febrúarlok, en yfirlit yfir hag bankans skal gera mánaðarlega.

Yfirlit skal birta í Stjórnartíðindum eftir hverja 6 mánuði.

31. gr.

Aðalfundur hluthafa kýs 3 endurskoðendur og jafnmarga til vara, til eins árs í senn, að viðhafðri hlutfallskosningu. Endurskoðendur skulu vera bókhaldsfróðir menn og leiknir í endurskoðun reikninga. Þeir mega ekki vera í þjónustu Verzlunarbankans að öðru leyti. Má jafnt kjósa þá úr flokki hluthafa sem utan hans. Frá 1. janúar 1982, skal einn af kjörnum endurskoðendum vera löggiltur. Þá tilnefnir viðskiptaráðherra einn endurskoðenda, að loknum aðalfundi ár hvert, til eins árs í senn. Endurskoðendur skulu rannsaka allt reikningshald og alla reikninga bankans, og er þeim jafnan heimill aðgangur að öllum bókum hans og skjölum.

Ársreikningur, og ef við á samstæðureikningur, skal lagður fyrir endurskoðendur eigi síðar en einum og hálfum mánuði fyrir aðalfund.

Fyrir marsmánaðarlok skulu þeir hafa lokið endurskoðun á ársreikningi bankans, og ber þeim þá að afhenda hann stjórn bankans, ásamt athugasemdum sínum.

Í síðasta lagi 2 vikum fyrir aðalfund skulu bankastjórar hafa samið svör sín Ársreikningur, og ef við á samstæðureikningur, skal lagður fyrir endurskoðendur eigi síðar en einum og hálfum mánuði fyrir aðalfund.

Fyrir marsmánaðarlok skulu þeir hafa lokið endurskoðun á ársreikningi bankans, og ber þá að afhenda hann stjórn bankans, ásamt athugasemdum sínum.

Í síðasta lagi 2 vikum fyrir aðalfund skulu bankastjórar hafa samið svör sín við athugasemdum endurskoðenda, og skulu þau liggja hluthöfum til sýnis ásamt ársreikningi.

32. gr.

Ársreikningur skal sýna skilmerkilega og ýtarlega tekjur og gjöld bankans, eignir hans og skuldir. Með gjöldum skulu taldar hæfilegar afskriftir af fasteignum og lausafjármunum.

Áður en ársreikningur er gerður, skal bankaráðið ákveða, hvað lagt skuli til hliðar á afskriftareikning vegna skulda, sem taldar eru tapaðar, og gera grein fyrir því á aðalfundi, sbr. 18. gr. 2. tl.

33. gr.

Tekjuafgangi samkvæmt rekstrarreikningi skal varið sem hér segir:

1. Vinna skal upp eignfært tap frá fyrra ári eða árum.
2. $\frac{1}{3}$ hluta tekjuafgangs skal ávallt leggja í varasjóð.
3. Til arðgreiðslu samkvæmt ákvörðun aðalfundar að fengnum tillögum bankaráðs, með þeim takmörkunum sem hér segir:

Arð af hlutafé má því aðeins greiða, að innborgað hlutafé, ásamt varasjóði, nemi samtals 5% af samanlögðu innlánsfé í bankanum, bæði á hlaupareikningi og sparisjóði. Þegar því marki er náð, skal eigi heimilt að greiða hærri arð en sem nemur almennum innlánsvöxtum af sparifé, uns innborgað hlutafé, ásamt varasjóði, nemur 10% af innlánsfénu. Nú er tekjuafgangi óráðstafað, vegna framangreindra takmarkana á arðgreiðslu, og skal hann þá renna óskiptur í varasjóð.

4. Til annars, samkvæmt ákvörðun aðalfundar, að fengnum tillögum bankaráðs.

Varasjóð má eigi nota til annars en að vinna upp tap á rekstri bankans eða önnur töp, er bankinn kann að verða fyrir.

VI. KAFLI

Um breytingar á samþykktum bankans.

34. gr.

Samþykktum bankans má breyta á löglegum hluthafafundum hans.

Ákvörðun verður því aðeins gild, að hún hljóti samþykki minnst $\frac{2}{3}$ hluta greiddra atkvæða svo og samþykki hluthafa, sem ráða yfir minnst $\frac{2}{3}$ hlutum þess hlutafjár, sem farið er með atkvæði fyrir á hluthafafundinum, sbr. 76. gr. hlutafélagalaganna. Samþykkt um breytingu á samþykktum bankans skal tilkynnt til hlutafélagaskrár þegar í stað og eigi öðlast breytingin gildi, fyrr en hún hefir verið skráð.

VII. KAFLI

Um félagsslit.

35. gr.

Ákvörðun um félagsslit skal tekin af hluthöfum, er ráða yfir minnst $\frac{2}{3}$ hlutum af heildarhlutafé bankans. Fundur sá, sem samþykkir á löglegan hátt að slíta félaginu, kveður á um, hvernig ráðstafa skuli eignum þess og greiðslu skulda, sbr. XIV. kafla laga nr. 32/1978, um hlutafélög.

Framanritaðar samþykktir fyrir Verzlunarbanka Íslands hf. staðfestast hérmeð. Jafnframt eru úr gildi fallnar fyrri samþykktir, ásamt viðaukum og breytingum. Að öðru leyti gilda lög nr. 32/1978, um hlutafélög.

Samþykktir þessar voru með ofangreindum breytingum samþykktar á aðalfundi 14. mars 1981.

Viðskiptaráðuneytið, 19. mars 1981.

F. h. r.

Ásberg Sigurðsson.

Benedikt Þórðarsson.

REGLUGERÐ

um breytingu á reglugerð nr. 278 1. júlí 1979 fyrir Fiskveiðasjóð Íslands um lánaflokka sbr. rgl. nr. 451/1979, rgl. nr. 331/1980 og rgl. nr. 617/1980.

1. gr.

1. gr. reglugerðarinnar hljóði svo:

Lán úr Fiskveiðasjóði Íslands skulu skiptast í lánaflokka þá, sem tilgreindir eru í 2. gr., en um lánveitingar skv. þeim skulu eftir því sem við á gilda þessi almennu ákvæði:

- a) Lán vegna nýsmíði fiskiskipa skulu við það miðuð að fiskiskipastóllinn stækki ekki að brúttórúmlestatölu, en að árleg endurnýjun verði hið mesta af svipaðri stærðargráðu og sá fjöldi skipa sem hverfur úr flotanum á næsta ári á undan. Stjórn sjóðsins er þó heimilt að leggja til grundvallar meðalbrúttórúmlestatölu þeirra skipa sem hverfa úr flotanum yfir lengri tíma, eða allt að 4 árum.
- b) Engin lán skulu veitt til smíða eða kaupa á hringnótaveiðiskipum.
- c) Umsóknum um lán vegna nýsmíði erlendis skal fylgja sambærilegt innlent tilboð.
- d) Lán vegna nýsmíði innanlands skulu ganga fyrir lánum vegna innflutnings nýrra eða notaðra skipa nema um bersýnilega óhagstæðari kaup sé að ræða að mati stjórnar sjóðsins.
- e) Heimilt er að víkja frá reglum 1. og 2. greinar ef um það liggja fyrir skrifleg tilmæli frá sjávarútvegsráðherra.

2. gr.

9. tl. 2. gr. reglugerðarinnar orðist svo:

Lán vegna nýrra og notaðra skipa, sem keypt eru erlendis.

Lánsfjárhæð má hæst vera 50% af mats- eða kostnaðarverði, sbr. 4. gr. Hámarks-lánstími skal vera 18 ár að frádregnum aldri skipsins.

Áskilið er að úr fiskiskipaflotanum hverfi skip af svipaðri stærð og þau sem keypt eru. Það má verða með þeim hætti, að skip séu seld úr landi, tekin úr rekstri vegna úreldingar, samkvæmt reglum sem þar um gilda eða að skip séu dæmd algert tjón, enda sé ekki lánað úr sjóðnum til endurbóta á þeim. Ef um er að ræða skip 39 metrar eða lengri eða með aflvél 900 hestöfl eða stærri, skal a. m. k. jafnstór skip hverfa úr flotanum fyrir það sem inn er flutt. Einnig er áskilið, að erlent lán a. m. k. jafnhátt láni Fiskveiðasjóðs úr þessum flokki, fáist. Lán Fiskveiðasjóðs